

TARIKH	16 / 12 / 2013	SEKSYEN	Nasional
MUKA SURAT	44	RUANGAN	BISNES

Bank Islam sumbang RM80,000

Kuala Lumpur: Bank Islam Malaysia Bhd (Bank Islam) tampil menghulurkan sumbangan berjumlah lebih RM80,000 untuk meringankan bebanan mangsa banjir yang melanda Kuantan, Pahang, Chukai, Terengganu dan Segamat, Johor baru-baru ini.

Pengarah Urusannya, Datuk Seri Zukri Samat berkata, sumbangan berkenaan wajar diberikan kepada mangsa banjir yang berada dalam kesukaran serta kekurangan akibat bencana banjir itu.

Beliau berkata, Bank Islam turut menghulurkan barangan makanan, air minuman, bantal, selimut dan juga ubat-ubatan yang menjadi keperluan penting dalam situasi berkenaan.

"Selain itu, Bank Islam juga turut menawarkan moratorium bayaran bulanan pinjaman dan pengecualian caj tertentu untuk meringankan bebanan mangsa-mangsa banjir di bawah program yang diberi nama 'Program Prihatin Bank Islam,'" katanya.